


# Faayida Layya



e nder Binndi Ceniidi

Hol ko mawninten ñalnde juulde taaske?  
Mbele wonaa nde Ibraahiima holliti  
hoolare mum e yidde mum e Alla, nde o  
jabi sakkaade biyiiko bajjo o? Kori o  
timminii ko o jogornoo wadde koo? Alaa.  
Alla dartinii mo, lomtiniiri biyiiko njawdi.  
Kono hol ko saabii Alla ina yamira oon  
sadak? Hol ko saabii layya ina sakkee?

Njid-mi ko faamnude on seeda e ko Alla  
haali fayde e sadakuuji.

Alla ko Ceniido.

Ina winndaa nder deftere Jabuura:

“Joomiraado, Alla men, ko Ceniido”

(Jabuura 99:9). Alla rewnirii kadi diidoo

konngudi e hunuko Muusaa, tee di

ndeftaama e nder binndi almuudo lisaa

biyeteedo Piyeer: “On cenoto, ngati ko mi  
ceniido” (1 Piyeer 1:16).

Alla waawaa wondude e ko tunwi, walla ko jogii bakkaat. Kadi, ko o Jom gidli – Omo yidi yimbe. O tagii yimbe ngam wondude e mumen haa abada. E fuddoode, Aadama e Hawwaa mbaawiino wondude e haaldude e Alla yeeso e yeeso. Alla “yamiri neddo o, o wiya: ‘Ada waawi ñaamde e ledde ngesa baa fof, so wonaa lekki ganndal moyƴere e bonannde ki. A ñaamataa e makki, sabu nde ñaam-daa heen fof a maayat” (feccere adannde e Tawreeta wiyeteende Lasli 2:16–17). Kono Aadama e Hawwaa luutndii yamiroore Alla faytunde e lekki ganndal moyƴere e bonannde ki. Ndeen, ruuhuuji Aadama e Hawwaa maayii. Aadama e Hawwaa ceerti e Alla. Ko duum woni firo maayde – seertude e nguurndam, tee nguurndam fof ummortoo ko to Alla. Mo seerti e Alla,

ko maaydo. Hay so balndu mum ina wuuri, ruuhu mum ko ceertudo e Alla, ko maaydo.

Caggal tooñanngɛ maɓɓe, Alla riiwi Aadama e Hawwaa e ngesa Eden ba, tee Alla fewnanii ɓe comci nguru (firti Alla warani ɓe njawdi). Gila nde tooñanngɛ adanngɛ wadaa nde, Alla yamirii aadee'en sakkaade layya sabaabu nde bakkatuuji mumen.

Ina winndaa: “njoɓdi bakkaat ko maayde” (ɓataake almuudo lisaa biyeteedo Pool fayde e Roomnaabe 6:23). Ina winndaa kadi: “E wonande sariya o, ina wayi no ko yiiyam laɓɓinta huunde fof: tee so yiiyam rufaani, yaafuya woodani” (ɓataake almuudo lisaa gooto fayde e Barahuuta'en 9:22).

Haalpulaar'en mbiyata "sadak ina humta haaju." Hol ko saabii on wiyde noon? Gila nde tooñanng'e ari e nder aduna ndee, yimbe cokli sakkaade ngam weltinde jukkondiral hakkunde maɓbe e Alla walla hakkunde maɓbe e jogiido mbaawka ngam heɓirde e Makko walla e maɓbe ko be daminii koo.

Nder deftere seniinde nde – nder Lasli simoore 22 (feccere adannde e Tawreeta) – Muusaa winndii taariik yeewtindaare Ibraahiima nde Ibraahiima jaɓi sakkaade biɗɗo mum. Hade Ibraahiima hirsude biɗɗo mum, Alla dartinii mo, lomtiniirii biyiiko oo njawdi.

Mate bargol nedɗo ina weli Alla? Mbele Tagoowo ina yidi bonnude tagoore mum? Alaa.

Alla rewnirii diidoo konngudi e hunuko annabi Samuwel: “Mate sadakeeji ina mbelira Joomiraado no doftaade konngol mum welirta dum nii? Doftaade buri sakkaade...” (1 Samuwel 15:22). Alla rewnirii kadi diidoo konngudi e hunuko Daawuuda: “Ngati wonaa sadakeeji am mbelat maa, hay sadakeeji cumeteedi kawranaani ma” (Jabuura 51:18). Iisaa Almasiihu reftii kadi e ko Alla rewnirnoo e hunuko annabi Hosee: “Njid-mi ko njogondiron njurum kono wonaa sadakeeji” (Macca 9:13).

Ina winndaa kadi: “Banndiraabe horsube, njidondiren e koye men, ngati yidde ummii ko e Alla, tee kala jom yidde, ko Alla jibini dum, kadi ina anndi Alla. Mo yidde alaa e mum, oon anndaa Alla, ngati Alla ko yidde” (1 Yuhanna 4:7-8)

E nder yeewtindaare Ibraahiima,  
Ibraahiima e bidɗo mum paayii e haayre  
ngam sakkanaade Alla. Hade makko  
sakkaade biyiiko, bidɗo oo naamndii  
baaba mum: “Jeyngol ngol e ledde dee  
nani, kono hol to bortel sadak cumeteedo  
oo woni?” (Lasli 22:7). Ibraahiima jaabii  
mo, wiya: “Alla e hoore mum maa fewju  
bortel sadak o” (Lasli 22:8).

Ibraahiima tonngi bidɗo mum, yetti labi,  
woni e wiya ina hirsaa mo. Doon tan  
maleykaa Joomiraado noddii mo, wiya mo:  
“Woto fayru junngo maa e cukalel he... Mi  
anndii hankadi, ada huli Alla, tawde a  
salaaki rokkude dum biye bajjo oo” (Lasli  
22:9–12). Hoolaare Ibraahiima welii Alla,  
tee Alla lomtiniirii biyiiko oo njawdi.

Alla jaaborii naamndal biɗɗo Ibraahiima njawdi. Kono caggal yontaaji keewdi, Yaayaa jaaborii ngal godngol nii: Yaayaa “yiyii lisaa ina ara e makko, o wiya: ‘Jawgel Alla moomtowel bakkaat aduna ngel nana!’ (Yuhanna 1:29).

En njiyii e nder deftere seniinde ndee: “so yiiyam rufaani, yaafuya woodaani” (Barahuuta’en 9:22) e “njoɗdi bakkaat ko maayde” (Roomnaabe 6:23).

Ina winndaa kadi: “ngati alaa ko yimbe ceerti: yimbe mbakkodinii tee koñnjiima teddungal Alla” (Roomnaabe 3:22–23). Alaa ko weldinta jikkondiral yimbe e Alla so wonaa layya – tawa yiiyam rufa ngam momtude tooñanngede. Kono yiiyam jawdi yonataa. Ina winndaa: “Kono diin sadakeeji nafata ko siftinde yimbe



bakkatuuji mum en hitaande fof. Ngati yiiyam gayi e damdi waawaa moomtude bakkatuuji” (Barahuuta’en 10:3–4).

Diidoo konngudi binndaadi paaminta men ko woni heen:

“Ngati mi hollirii Yahuuda e Gerek fof ngoni ko e njiimaandi bakkaat, hono nii no winndiraa:

‘Alaa fof peewdo, hay gooto; hay gooto haqqilaani, hay gooto yiilotaako Alla.

Yimbe fof ko majjube, no be potiri ko be bonbe; alaa e mabbe badoowo ko moyyi, hay gooto. Goddi mabbe ko janaale jawyitiide, demde mabbe ko puuntirde. Haala mabbe ko tooke sohre. Kunude mabbe ina keewi kuddi e konngudi mettere. Koyde mabbe ina koyani rufde yiiyam, firtaare e musiiba nana ndewi e mabbe, laaawol deeyre ngol ne kay, be

ndewaani dum. Kulol Alla alaa e berde maɓɓe.'

Eden nganndi noon kala ko sariya oo haali joofii ko rewoobe sariya bee, mbele kunude fof ina mbiya cuk, njomu yimbe fof tabita e yeeso Alla. Ngati hay gooto nanngetaake peewdo e yeeso Alla sabaabu nde golle sariya oo; sariya oo waawi tan ko anndinde yimbe bakkaat. Kono jooni, e luuteede sariya oo, peewal Alla ngal sariya oo e annabaabe bee ceedtii ngal feññaama, peewal Alla kebirteengal hoolaare fayde e lisaa Almasiihu ngam denndaangal goonɗinbe ngal; ngati alaa ko yimbe ceerti: yimbe fof mbakkodinii tee koñnjiima teddungal Alla. Kono Alla nanngirii be feewbe moyƴere mum, nanngirii be feewbe lisaa Almasiihu coodtudo be e bakkaat o. Ko oon Alla fodani wonde sadak ngam

yaafuya bakkatuuji yimbe, e wonande goonɗinbe yiiyam makko bee. Ko noon Alla holliri peewal mum, sabu fawanoo kuugal e bakkatuuji badanoodi saanga muɗal mum; O wadiri noon ko ngam feeɗninde jooni peewal Makko, mbele omo tabitina ko o peewɗo, kadi kala goonɗindo lisaa, o nanngira dum peewɗo” (Roomnaabe 3:10–26).

Alla wadani Yahuuda'en e kala pellitɗo rewde sariya Makko aadi nde O rokki Muusaa jamirooje e sariya Makko ndee. E nder Tawreeta, Alla haɓɓii heen ndee fodoore: “ɗoftiɗo jamirooje am fof, ko heen wuurata.”(Duteronomi 12:1) Kono hay gooto rewaani deen jamirooje fof haa timmi. Yimbe fof luutndiima jamirooje Alla, korii timmude aadi kiidɗo hakkunde maɓɓe e Alla.

Mi wiya on Alla ko yidde. Kadi ko Ceniido, Joom Peewal, Aadiyanke. Alla wiya Muusaa, “so yiyaam rufaan, yaafuya woodaani” (Barahuuta’en 9:22). Nder koya men, en tooni Alla; en ngalaa feere waawnde moyyitinde jikkondiral hakkunde men e Makko. Kono yeewen feere Alla:

Sabu duum, Alla nelii lisaa Almasiihu timminde aadi kiido, wadiirde e lisaa aadi keso hakkunde Alla e kala kaɓɓondirde e lisaa. Lisaa timminii aadi kiido oo nde o sakkii nguurndam mum laaɓdam, rufi yiyaam mum laaɓdam ngam fiɓde aadi keso oo.

Hade makko feneede, nde lisaa wonnoo e hirtodaade e almuɓɓe mum, “o yettiri noon kadi koppu caggal nde be ngayni hirtaade, o totti be, o wiya: ‘Ko oo doo

koppu woni aadi keso pibiraado yiiyam  
am dam ndufana-don dam” (Luka 22:20).

Ina winndaa kadi:

“E kaɓɓondiral mon e makko, on  
boornaama tawi junngo neddo rewaani e  
mon, boorna-don boornungal booranngal  
e aadeeyaagal mon ngal, maanam  
boornungal booranngal ngal Almasiihu  
wadani on ... Onon maaynoobe sabaabu  
nde tooñanngeeji mon e solimaagal mon,  
be, Alla wuurtidini on e makko e dow  
jaafogol tooñanngeeji men fof, tee  
yeenji kaayit pelatnoodo en mo  
jamirooje mum libatnoo en oo, naattini  
nafoore mum nde o yowi dum dow  
fenirde. O boorii laamuuji dii e baawde  
dee, o hoyni dumen e hakkunde yimbe  
fof, nde o fooliri dumen maayde  
Almasiihu ndee”

(Kolosnaabe 2:11,13,14,15).

Maande aadi kiidfo wonnoo ko boornungal (duhogol). Kono boornireede juude yimbe waawaa ittude e bernde bonande mayre. Ko boornungal Almasiihu tan waawi laabnude bernde, seniinde neddo ngam badtaade mo e Alla Ceniido Oo. Ko ngaal boornungal laabnata bernde, woni ngaal Almasiihu wadani rewbe e makko.

Ina winndaa:

“Ko duum addani mo timminde aadi keso hakkunde yimbe e Alla, mbele noddaabe bee ina keba ndonu nduumiingu ngu podanaa nguu, tawde won maayfo ngam soodtude woofbe aadi gadano oo fiibaaka wonaa nde yiyam rufaa” (Barahuuta'en 9:15).

Ina winndaa kadi:

“Jooni noon, Almasiihu oo fawiima golle burde mawnude, tolno aadi burdo faayodinde mo o timmini hakkunde Alla e yimbe, tuugniido e podooje burde faayodinde de.” (Barahuuta’en 8:6).

Tee ina winndaa:

“Ko nii Alla holliri en yidde Mum: O nelii Biyiiko bajjo oo e nder aduna hee, mbele eden keɓa nguurndam sabaabu nde mum. Ndeen yidde firtaani en njidi Alla, firti ko kanke omo yidi en, kadi o nelii Biyiiko oo yoo o wonan en sadak ngam yaafuya bakkatuuji men”  
(1 Yuhanna 4:9–10).

Holi Bidɗo mum Alla bajjo? Woto cikee mi wiyi Alla renndidii e debbo mbalndi walla lisaa woni bidɗo Alla e jaati. Kala baawɗo

wiyde noon hulaani Alla! Holi baaba  
mum lisaa? Wonaa Ruuhu Alla jippii e  
Mariyaama? Ina winndaa:

“Maleyka o naati e galle Mariyaama’en,  
wiyi dum: ‘A salminaama, aan barkinaado  
oo! Joomiraado oo ina wondi e maa!’

Mariyaama jiibii e diin konngudi, woni e  
naamnaade hoyre mum hol ko  
salmiinaango wayngo nii firtata. E oon  
sahaa maleyka wiyi mo: ‘Mariyaama, woto  
hul! Alla hollii ma moyƴere Mum; maa a  
ɓam reedu, njibinaa biɗɗo gorko,  
nginniraa dum lisaa. Oon biɗɗo maa won  
mawɗo, kadi maa wiye Biɗɗo Burɗo  
toowde o. Joomiraado Alla maa tottu mo  
jappeere taaniiko Daawuuda. Ma o laamo  
ɓesngu Yaquuba haa abada, laamu  
makko gasataa.’

Mariyaama wiyi maleyka o: ‘Hol no duum  
wonirta, tawde ko mi mboomri?’



Maleyka o jaabii mo, wiyi: ‘Ruuhu Ceniido o maa jippo e maa, baawde Burdo toowde o maa kuure no mbeelu nii. Ko duum wadi, bidngel jogorngel jibineede ngel maa wiye ceniido, Biddo Alla’” (Luka 1:28–35).

lisaa alaano baaba nder aadee’en – ko Ruuhu Alla wadi Mariyaama bamde reedu e jibinde lisaa. Kadi lisaa alaano bakkaat. Hay dara bonnaani jokkondiral makko e Alla. Holi ko burdo horsineede do Alla, so wonaa lisaa – mo doftii konngol Alla haa timmi, dokkudo nguurndam mum ngam soodtude aadee’en e njiimaandi bakkaat?

Ko kañum lisaa Almasiihu woni nelaado Alla, cakkiido nguurndam makko ngam dadndude kala jabdo rewde e makko. Ina

winndaa: “dokkal Alla ko nguurndam haa abada e nder kaɓɓondiral men e lisaa Almasiihu” (Roomnaabe 6:23).

Ina winndaa kadi: “Kala gooddo biɗɗo o, woodii ɗaam nguurndam; kala mo woodaani biɗɗo Alla o noon, woodaani ɗaam nguurndam” (1 Yuhanna 5:12).

Ɗiidoo konngudi binndaadi beydata ko faamnude en mo woni lisaa:

“Ngati ko e makko timmeende Alla fof hodi e ɓalɗu, kadi on keɓii fof e keewal e kaɓɓondiral mon e makko, kanko jiimɗo e kala laamu e baawɗe.”

(Kolosnaabe 2:9–10), tee “Ngati huunde fof tagiraa ko kanɗo, gila e ko woni dow asamaan haa e ko woni dow leydi, ko yiyetee e ko yiyetaake fof, maanaam

denndaangal ko woodi laamuuji e  
baawde; deen gede fof tagiraa ko kanjo,  
taganaa ko kanjo. O woodii gila hay  
huunde woodaani; fof nana nanngondiri  
sababu nde makko ... Ko kanjo woni  
fuddoode, woni afo wuurtube e hakkunde  
maaybe, mbele omo jiima e fof. Ngati  
timmeende Alla fof nana e makko; ko  
duum weli Alla. Alla hawritinii fof e  
mum, hawritiniri mo, gila e leydi haa e  
asamaan. O addiri deeyre ko yiiyam  
biddoiko ndufadam dow fenirde dam”  
(Kolosnaabe 1:16–20).

Ina winndaa kadi:

“E nder duum, ina haani tagdo fof mo fof  
woodani, anniyinoodo naatnude bibbe  
heewbe e darja mum o, timmina pittudo  
laawol dadndoore o timminira dum  
njaram mette. Ngati cennoowo o e

sennaabe bee fof ngiwi ko e gooto ....  
Hono noon, tawde bibbe bee ko tewu e  
yiiyam, kanke ne, o renndii e mabbe  
ndiin mbaydi, ngam foolde joom maayde  
o, hono Ibliisa, o foolira dum maayde  
makko, ngam tonngitde denndaangal be  
kulol maayde tonngunoo e maccungaagu  
kaaddi nguurndam mumen be.”  
(Barahuuta'en 2: 10, 11, 14, 15)

Diidoo konngudi binndaadi beydata  
leernude ko njanngu-den jooni koo:  
“E fuddoode, Konngol ngol ina woodnoo.  
Ngol wondunoo ko e Alla, ko ngol Alla,  
ngol wonnoo. E fuddoode, ngol  
wondunoo ko e Alla. Ko kanngol huunde  
fof tagiraa; hay huunde e ko woodi ko  
tagiraaka ko wonaa kanngol. Nguurndam  
ko e maggol wonnoo, tee ko daam  
nguurndam wonnoo annoore yimbe...

Konngol ngol wontii aadee, oon aadee  
hodii e nder men, wonii keewdo moyƴere  
e goonga. Min njiyi darja makko, darja  
mo biɗɗo bajjo o heɓi e Baaba mum”  
(Yuhanna 1:1–4, 14).

Alla tagiri ko woodi fof konngol mum.  
Ko lisaa Almasiihu woni konngol Alla  
ngol. En paamat heen ko lisaa woodnoo  
gila hay huunde woodaani. Kadi en  
njanngii jooni ko lisaa (konngol Alla)  
wontii aadee. lisaa, adii tagoore fof  
woodde, wontii aadee nde o jibiniraama  
Mariyaama. Kañum mo alaano bakkaat, o  
hodii e nder yimɓe bakkodinoobe. Mo  
nguurndam wonnoo, o sakkii hoore  
makko ngam dadɗude wodɓe, dañande  
ɓe nguurndam kesam, laaɓɗam, beldam  
Alla, nguurndam haa abada.

lisaa wiya kañum ne: “Ko miin woni laawol ngol, woni goonga o, woni nguurndam dam. Hay gooto waawaa yahde to Baaba o tawa rewaani e am” (Yuhanna 14:6).

Alla rewniri kadi diidoo konngudi e almuudo lisaa biyeteedo Yuhanna:

“Edeŋ nganndi kadi biidoo Alla o arii, tee o rokii en hakkille anndude holi gondo gonngere e goonga o. Tee en njeyaama e gonngere e goonga o e kaɓɓondiral men e biyiiko o, hono lisaa Almasiihu. Ko kaŋko woni Alla gonngere e goonga o, woni nguurndam haa abada dam.” (1 Yuhanna 5:20).

Tee lisaa wiya:

“Ko miin woni gaynaako moyɓo o, mbodo anndi baali am tee baali am ina nganndi mi, no Baaba o anndiri mi e no nganndir-

mi Baaba oo nii; kadi mi rokkat baali am  
wonki am .... Baali am kedoto sawta am;  
mbodo anndi di, kadi di ndewat e am. Mi  
rokkat di nguurndam haa abada, di  
kalkotaako muk ko heddii heen koo, tee  
hay gooto heɓtataa di e junngo am.  
Baaba am dokkudo mi di o, ɓuri fof  
mawnude; kadi hay gooto waawaa  
heɓtude di e Baaba o. Miin e Baaba o, ko  
min gootum” (Yuhanna 10:14, 15, 27, 28,  
29, 30).

Ina winndaa kadi:

“Ko e makko njiyaten jalbeende darja  
Alla, ko kanke jogii sifaa Alla, tammborii  
huunde fof semmbe konngol makko;  
caggal nde o timmini laɓɓingol  
bakkatuuji, o joodii ko dow asamaan  
ñaamo Jom mawngu oo” (Barahuuta’en  
1:3).

Enen fof, en tooñii Alla. Kadi kala tooño  
Alla fawete kuugal muusngal ngal alaa to  
haadi. Kono jettoode ngoodanii  
Joomiraado; Alla e nder yidde mum  
fewjanii en feere ngam dadndude en. O  
yamirii lisaa – mo alaano bakkaat,  
timmindo aadi kiidde – yo o lomtano en e  
nder kuugal men. Kadi Alla wuurtinii  
lisaa ñalawma tatabo caggal wareede mo;  
tee lisaa feeñanii almuɓɓe mum caggal  
guurtugol mum.

E caggal balde capande nay, o ruttiima to  
asamaan. Jooni omona joodii e ñaamo  
Alla. Maa o artu e aduna ngam ñaawde  
yimɓe fof.

Mate odon nganndi no lisaa ñaawirta  
men? Yeewee ko Alla holliti almuudo lisaa  
biyeteedo Yuhanna nder peeñdi:



“Njiy–mi maayɓe, mawɓe e tokosɓe, ina ndarii e yeeso jappeere ndee. Defte ngudditaa; deftere wodnde kadi udditaa, ko ndeen woni deftere nguurndam ndee. Maayɓe ɓee ñaawiraa ko winndaa e defte hee koo, yowitaade e golle mum en. Geej oo wukkiti maayɓe mum, maaje e laakara ngukkiti maayɓe mumen; gooto e maɓɓe fof ñaawiraa golle mum. Maayde e laakara mbeddaa e weendu jeyngol he. Ko nduun weendu jeyngol woni maayde ɗimmere ndee. Kala mo innde mum tawanooka e deftere nguurndam hee, weddaa e weendu jeyngol he” (Peeñdi 20:12–15).

Yeewee kadi ko Alla holliti Yuhanna fayde e aljanna (sahre Alla):

“Sahre nde soklaani naange yaynoo ɗum, soklaani lewru yaynoo ɗum, ngati ko darja Alla leernata nde, tee lampa mayre

ko Jawgel ngel... Hay huunde ko tunwi naatataa e mayre, gollotoodo ko harmi wondude e fenaande ne kay naatataa e mayre. Naatata e mayre tan ko winndaabe bee e deftere nguurndam Jawgel ngel.”

(Peeñdi 21:23, 27)

lisaa Almasiihu fodanii rewbe e makko diidoo konngudi:

“Yoo berde mon ndeey; ngoonɗinee Alla, ngoonɗinon mi, min ne. Galle Baaba am ina heewi cuudi; sinno wonaano goonga, mbele maa mi wiy ma mi feewnanoyi on nokku? Tee so mi yahii mi feewnanoyii oon nokku, mi artat mi nawa on sara am, mbele onon ne, odon ngona do ngon-mi doo.” (Yuhanna 14:1–3).

lisaa wiyi almudbe mum kadi:

“mbelto–dee e ko inde mon mbinndaa  
dow asamaan” (Luka 10:20).

Jooni, en njiyii ko saabi yimbe soklude  
layya e sadakeeji – ko ngam hebde  
yaafuya e welditde e jokkondiral. Enen  
fof, ko en waasbe timminde sariya Alla.  
Ina winndaa: “Ngati so neddo woofii  
wootere e jamirooje sariya dee, hay so  
rewii keddiide dee fof yanii” (Yaaquuba  
2:10) Eden cokli yafeede, dadndeede.  
Ko lisaa e hoore mum woni layya men,  
woni sadak timmudo ngam hebirde e Alla  
yaafuya, woni dadndoowo. En mbiyi Alla  
ko o Ceniido, tee o waawaa wondude e ko  
tunwi walla ko jogii bakkaat. lisaa  
maayanii en nde o fenjiraa ngam  
momtude bakkatuuji men. Ina winndaa:  
Almasiihu woni “gontando on  
haqqilantaagal giwngal e Alla, peewal,  
senaare e ndimaagu o” (Kolosnaabe

1:30), tee “Ngati Alla ko gooto; ko gooto woni hakkunde makko e yimbe, maanaam lisaa Almasiihu... Ko kanke sakkii hoyre makko ngam soodtude yimbe fof” (1 Timote 2:5–6). Ko lisaa Almasiihu tan waawi welditinde jikkondiral hakkunde neddo e Alla.

Dii konngudi pirti ko kala kaɓɓondirdo e lisaa Almasiihu, goondindo lisaa maayani mo, oon ma bakkatuuji mum moomte sabaabu nde yiyyam lisaa ndufadam, kadi maa innde mum winnde e nder deftere nguurndam, maa o jogo suudu to aljanna, sahare Alla ndee. Kono kala caliido dokkal Alla – sadak lisaa, Jawgel Alla – oon heddiima e nder njiimaandi bakkaat, kadi Alla yaafotaako mo, tee innde makko tawetaake e deftere nguurndam ndee. Oon, caliido o,

naatataa muk e sahare Alla hee; o jogori  
tan ko weddeede e nder weendu jeyngol  
ngol.

Yoo kedtiido fof jogo hakkille. Yoo Alla  
humpit mo goonga, o waasa ronkude  
moyƴere Alla nde o holliri en e nder lisaa  
Almasiihu dadndoowo o.

Ko doo kaadnat-mi ƴeewtere am fayde e  
layya e sadakeeji. Mi weltiima no feewi  
sabu moyƴere Alla fayde e men. Mi  
teddinat baaba men Ibraahiima. Kadi mi  
teddinat lisaa Almasiihu, mo Yaayaa  
innirii “Jawgel Alla moomtowel bakkaat  
aduna ngel” (Yuhanna 1:29), coodtudo  
aadee’en e bakkaatuuji mumen. On  
njaaraama. lisaa jaaraama. Alla  
jaaraama.

A travers ce petit livre de poche, nous découvrirons beaucoup de choses très importantes, qui nous aideront à préparer notre destin. Nous parlons du sacrifice; pourquoi? Nous parlons du sang; de quel sang ? Cherchons la réponse ensemble dans ce livre. Nous y trouverons la voie du salut.



E ngel dɔo deftel, maa en njii heen gedɛ paayodindɛ no feewi, ballooje en feewnitanaade janngo. Edɛn kaala haala sadak ; ko saabi? Edɛn kaala haala yiiyɛm; ko hol daam yiiyɛm? Ndaarten jaabawol e nder deftel ngel. Maa en taw heen laawol dadɛndooɛ.